

Broj: 13/04-45-1-38-9/20
Sarajevo, 05.05. 2020. godine

Primljeno: 19-05-2020			
Org. jed.	Broj	Priloga	Vrijednost
05/2	02-	39	20

X1

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

n/p Izmir Hadžić, sekretar

Predmet: Odgovor na poslaničko pitanje

Vaš akt broj: 05/2-02-39/20 od 19.02.2020.godine

U vezi sa poslaničkim pitanjem, koje je poslanik Mladen Simić postavio na 5. sjednici Doma naroda Parlamenta Federacije BiH, održanoj 13.02.2020. godine, a koji glasi: „Koliki tačno iznos duguje Javno komunalno preduzeće Zenicatrans - prevoz putnika d.d. Zenica na ime poreznih obaveza, koje su strukture i šta se preduzelo po pitanju naplate istih od dana nastale porezne obaveze pa do danas, odnosno da se objasni i obrazloži postupak prinudne naplate kako za JP Zenicatrans - prevoz putnika, tako i za ostale dužnike. Dalje, u smislu člana 33. Pravilnika o procedurama prisilne naplate poreznih obaveza da li je prije izdavanja naloga za plaćanje poreznih obaveza broj:13-4-01-15-25-1778/19 od 6.2.2020. godine provedena procedura prikupljanja činjenica i dokaza za utvrđivanje solidarne odgovornosti Grada Zenica po pitanju poreznih obaveza, ako jeste, da li je doneseno rješenje kao upravni akt sa mogućnosti pravnog lijeka na isto, a kako to zakon i navedeni Pravilnik predviđa, odnosno, je li isto donio sud ili je Porezna uprava svojim unutrašnjim aktom donijela isto?“, dajemo slijedeći odgovor:

Porezna uprava Federacije BiH – Kantonalni porezni ured Zenica, protiv poreznog obveznika Javno komunalno preduzeće „Zenicatrans - prevoz putnika“ d.d. Zenica vodi postupak prinudne naplate zbog neizmirenih obaveza u ukupnom iznosu od 5.284.443,52 KM, od čega se iznos od 3.865.261,55 KM odnosi na glavni dug i troškove postupka prinudne naplate, a iznos od 1.419.181,97 KM na zateznu kamatu, obračunatu do dana izdavanja naloga za plaćanje. Struktura duga po vrsti prihoda, tabelarno je prikazan kako slijedi:

R. br.	Vrsta poreza/doprinos	Iznos poreza
1	Doprinos za penzijsko i invalidsko osiguranje	1.729.682,02
2	Doprinos za zdravstveno osiguranje	1.429.457,04
3	Doprinos za osiguranje od nezaposlenosti	174.274,24
4	Porez na dohodak	210.538,19
5	Opća vodna naknada	25.573,39
6	Pos nkn za zaštitu od prirodnih i drugih nesreća	26.093,87
7	Prihod od troškova naplate po osnovu pokretanja postupka prinudne naplate	269.642,80
8	Doprinos za penzijsko i invalidsko osiguranje-kamata	720.486,22
9	Doprinos za zdravstveno osiguranje-kamata	526.170,14
10	Doprinos za osiguranje od nezaposlenosti-kamata	64.672,11
11	Doprinos za zdravstveno osiguranje-kamata	38,83
12	Doprinos za penzijsko i invalidsko osiguranje-kamata	58,24
13	Prihodi od poreza na dohodak-kamata	87.336,11
14	Prihodi od poreza na dohodak-kamata	93,18
15	Opća vodna naknada-kamata	9.961,99
16	Posebna naknada za zaštitu od prirodnih i drugih nesreća-kamata	10.323,29
17	Pos naknada za zaštitu od prirodnih i drugih nesreća-kamata	41,86
	UKUPNO	5.284.443,52

Nadležni kantonalni porezni ured je postupak prinudne naplate, prema navedenom poreznom obvezniku pokrenuo 16.10.2016. godine, i od tada porezni obveznik je ukupno pet puta podnosio molbe za prolongiranje roka plaćanja svojih dužnih poreznih obaveza, što je zakonska mogućnost svih poreznih obveznika, od kojih su četiri odbijene, jer nisu bili ispunjeni uslovi koji su propisani odredbama članova 47.- 52. Pravilnika o procedurama prinudne naplate (Službene novine Federacije BiH, broj 50/02, 54/03, 31/11, 38/16 i 69/17). Na osnovu molbe poreznog obveznika od 08.08.2018. godine, Porezna uprava FBiH i JKP „Zenicatrans – prevoz putnika“ d.d. Zenica su dana 19.12.2018. godine potpisali Sporazum o plaćanju dužnih javnih prihoda u 60 mjesečnih rata, te je postupak prinudne naplate prema ovom poreznom obvezniku obustavljen. Navedeni Sporazum je raskinut 03.05.2019. godine, obzirom da se porezni obveznik nije